

二土全功章第十一

子午數合三戊己號稱五三五既和諧八石正綱紀呼吸相含
育仁息爲夫婦黃土金之父流珠水之子水以土爲鬼土鎮水
不起朱雀爲火精執平調勝負水盛火消滅俱死歸厚土三性
既合會本性共宗祖巨勝尙延年還丹可入口金性不敗朽故
爲萬物寶術土伏食之壽命得長久土遊於四季守界定規矩
金沙入五內霧散若風雨薰蒸達四肢顏色悅澤好髮白皆變
黑齒落生舊所老翁復丁壯者嫗成姘女改形免世厄號之曰
真人

子居北北乃坎之正位其數一午居南南乃離之正位其數

道藏輯要

參同契
上陽子注

三

虛集三
X X 六

二坎中有土曰戊其數五離中有土曰己其數五戊專坎之
門掌先天眞一之炁己直離之戶積後天至眞之汞若求先
天之炁必通戊土而後得之若用後天之汞必伏己土而後
和之子午既歡而諧戊土既和而合二五之精妙合而凝流
戊就己鼎中得類兩土相結因名曰圭八石爲坤乾坤爲眾
石之父母非坤則不得兌之綱紀消息子午相呼吸戊己相
含育鉛汞相交結而爲夫婦矣黃土者戊土也戊土能生兌
中金故爲金之父流珠者木汞也鉛水能資木中之汞故流
珠乃水之子鉛水以戊土爲鬼戊土一鎮中宮水不妄流於
外朱雀者離中之物是爲火精心平氣和而脉停可使調其

勝負矣水尅火火尅金金尅木四者俱消其功歸於厚土厚土者己土也三性者戊金水也坎之門曰戊坎之中爻曰兌金金生太乙之水金既生水戊又制之是三性合會也木性即己土也離中之戶曰己戊金水三者合木性之己木乃徐徐而尅之總變而爲大丹故曰本性共宗祖巨勝者胡麻也胡麻若作飯常食之能延年况還丹是金水戊己鍊成爲天地間之至寶修行術士伏而食之壽與日月同其長久伏者伏先天之氣食者食黍米之丹後人誤作服字是不知伏之爲妙也故仙師云伏炁不服炁服炁須伏炁服炁不長生長生須伏炁只一伏字逆用化機土遊於四季四季者辰戌丑未也土各有王日每季月王十八日謂之遊惟夏季火生土土德勝王金畏火故入秋屬申月古人以水土俱生申者土因夏火而生水到三垣而產水漸制火土乃生金故入秋初土德先王九日而生庚金至戌止有九日而分王也守界定規矩者東方有氐土能守青龍之界西方有胃土能規白虎之威南有柳土能距離火之戶北有女士能定坎水之門是使制伏丹砂真金之炁還入五內其丹初至氣散如霧潤澤若雨丹氣薰蒸遍達四肢神氣既全顏色悅好齒生髮黑返老還童改其枯瘁之形永免世間之厄形神俱妙紫霞真人此章言欲下手鍊丹先和戊己二土然後可採金水而成丹

也

同類合體章第十二

胡粉投火中色壞還爲鉛冰雪得溫湯解釋成太元金以砂爲主秉和於水銀變化由其真終始自相因欲作伏食仙宜以同類者植禾當以穀覆雞用其卵以類輔自然物成易陶冶魚目豈爲珠蓬蒿不成檟類同者相從事乖不成寶燕雀不生鳳狐兔不乳馬水流不炎上火動不潤下世間多學士高妙負良材邂逅不遭遇耗火亡資財據按依文說妄以意爲之端緒無因緣度量失操持擣治羌石膽雲母及礬礞硫黃燒豫章泥汞相鍊治鼓下五石銅以之爲輔樞稜性不同類安肯合體居于舉

道藏輯要

參同契
上陽子注

无

虛集三
八八

必萬敗欲黠反成癡稚年至白首中道生狐疑背道守迷路出正入邪蹊管窺不廣見難以揆方來

胡粉黑鉛鍊就也得火則還本性冰雪寒水結成也遇熱則歸本源黃金入水銀而變白得火則回其赤色世人皆嗜慾而亂性全性而可以長生何謂金以砂爲主何謂秉和於水銀修行之人明其造化洞達陰陽欲鍊金丹先積離己之朱砂以和玉池之水銀卻用坎中之水以濟離中之火水火既濟金砂合形變化由同類之真終始因雄雌爲主所謂欲作伏食仙宜以同類者實爲諦當如植禾必種穀覆雞須用卵欲作仙佛不得同類雖入闡百處打坐千年終落空亡若也